

کتاب طبر

اون بش کونده بر نشر اولور دینی ، علمی مجموعه اسلامیہ در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۴ ۲۷ جمادی الآخر سنہ ۱۳۳۰ پنجشنبہ ۳۱ مایس ۱۳۲۸ برنجی جلد

تاریخ و خاطرات :

یاد ماضی

ما بعد

ابراهیم پاشا خیلی مأموریت رده و علی الخصوص قدس ایله سوریه مرکز متصرفلقلارنده بولمیش ، ارض فلسطین و شامده امرجه اهالی به واقف ، کارآموز ، بر قاج لسانه آشنا برذاتدر . مرکز لواجه اولان امور ووظائفی یولنه قویقدن صکره ملحقاتی : ناصر ، طبریه ، صفد قضالری دوره چیقمش ایدی . عودتنده دیدی که : « مرج ابن عامردن کچور ایدک ، باقدم او بی پایان اراضی اکین دریاسی کسلمش ، یاغدهکی سواری ضبطیه لرندن بو اراضینک کیلار عائد اولدیغنی صوردم ؛ هانی اقدمجه فلانلرک محلولدن الدقاری اراضی یوقی ایدی ایشته بوراسیدر جوانی ووردیلر . درت بش ساعتک مسافه کتدک ، هر سؤالده بو جوانی تکرار ایتدکلرندن مسیبلری مستحق اولدقاری الفضاظ ایله یاد ایلدکدن صکره کورمامک ایچون کفیه بی کوزمک اوستنه طوغری ایندیردم .»

عکا سسناغنده ناصر و صفد ایله جبل کرمل آره سسند و واقف و بر جهتی طبریه ایله « شریعه » و نام قدیمی « اردن » نه رینه تمتد ، جسم و محسولدار براووه واردر که بین الانام « مرج ابن عامر » دیه شهر اشعاردر . پاشانک حکایه ایتدیکی بر بوراسیدر . بو اراضی فسیحه امیریه گذشتکان ولاتدن بریمی زماننده بیرونده و توتاریله معروف برعائیه پک جزئی بر بدل ایله تفویض واحاله ایدلمش . اراضی مذکورنک نه صورتله تفویض واحاله ایدلدیکنه حقیقی وجه ایله واقف اوله مدقه سده بدل مثلندن افحش نقصان ایله احاله ایدلمش اولدینی درجه تواتره بالغ اولمشیدی ؛ کیفیت مزایده و صورت تفویضک طابو نظامنامه سی احکامنه موافق جریان ایتدیکی و بدل احاله اراضی مذکورنک انحق بر قاج سنه لک وارداتنه تقابل ایده بیله جک بر کتیده بولندینی و وقوع بولان مراجعات عیده اوزرینه عکایه هیئت تحقیقه اعزام ایدلمش سده بر نتیجه حاصل اولدینی بو خصوص درمیان اولندقجه هرکسک اغزنندن ایشیدیلور ایدی . اون سکز اون طقوز سنه قدر صکره بیرونده بولندیغ اشاده اراضی مباحوث عناده سواری عساکر شاهانه نک آنلرینه مخصوص چارلقارک دخی داخل احاله اولدیغنی مفروغ لهم ویا انلرک ورشهی ادعا ایلکده وامرای عسکریده عدم

دخولنی بیان ایله هر سنه میری آتارنی او چارلره چیقارتمقده اولدقارینی و بو حاله مبنی بدل انجار طلبیدن ناشی حالا قطع نزاع ایلمامش اولدیغنی طوعیشیدم که بو حالره نه قدر استغراب و تأسف ایذلسه یریدر .

ابراہیم پاشانک برادری خلیل بک واقرباسندن منکشملی زاده صالح افندیله قرداش کبی کورشمکه باشلادق ، یا انلر بزده ویا بز انلرده ایذک . صالح افندی بک شوخ وشن بر ذاندر ، او روحنواز مطایبات و ملاطفاقی ممکن دکل اونودیله ماز .

بو اولوق بیرونده رمضان عائله سندن و شبان شرادن مصباح افندیله معارفه پیدا ایذک . مصباح افندی بک بداهت طبعنه و حسن خیالنه قطعاً آتیه بر معیاردرکه تصویرینی رسامدن الو ب رنسخه سی بکا اهدا ایتدیکی زمان ارتجالاً سویلیه رک ظهر نسخه به تحریر ایش ایدی .

یا من غدا حق لم تح صفا ته فرضا لان وداده اغنائی

جذب الفؤاد هواء مثل الشمس قد جذبت من المصباح رسماً دانی

برمدت تبری آباء یسوعین دن بر ذات ایله کوریشیوردم . محبت و معاشرت مز کافه مراسمدن عاری بک مجبانه ایدی . نام پاک محمدی یاده کلنجه غیظ و حدسندن باشنه قان صحرار خفیف مشرباندن دکل ، جستجوی حقائق ایدن عرفادن صایلور ایدی . برکون اثناء مصاحبتده نصرانیت متدائر اوتهدن بریدن بحث ایدرک بک عمیق و مدید معنارله ایما ایتدی ، تمامیه دکلدم . ینه سوزینه دوام ایدرک جدیت و ملاطفه آره سنده برطرز افاده ایله انتظام عالم بشریتک هم آهنگ اتحاد اوله رق یورعسنه توقف ایدر دیدی . بنده او طرز افاده یه مماثل برطور ایله دیدم بک دوعری ، لکن نه صورته بو مطلب اعلی جلوه کر مرایای ظهور اوله ییلور . آرزو ایتدیکی جهته رمز ایتیمسیه دیدم : یوز دوه لک قطارده طقسان طقوزینک تصدیق هویتندن صکره نوبت یوزنجیه کلنجه انک انکار هویتنه شتابان اولوق نزد ارباب عرفان وایقاند شایان قبولی در ؟ سزک تبعاتکز واسع ، احاطه کلیه کز وار ، بیلورسکز که کافه ادیان اصول شرائطه بری بری مصدق و مؤیددر ، اختلاف ازمنه حسیبله اره لرندکی فرق آنجق تفرعانددر . جمله انبیا من عندالله تصفیة قلوبه ، تهذیب اخلاقه ، حسن آمیزش و معاشرته ، دنیوی و اخروی سعادت خالق ارشاده مأموردرلر . انلر تبلیغ وحی ایله ناشی سمت حق دعوت ایتدکجه نه قدر مشکلاته دوجار اولمشار ایدی . جناب مسیح حقنده نلر روا کورلیدی ، نصرانیت نه قدر زمان صکره انتشار ایلدی . خاتم الانبیا حضرتلری

ظهور ايلديكي زمان دخى عالم وبا خصوص جزيره العرب نه حالده ايدى ، قومك نه مرتبه اذا وجفاسنه معروض قالدی . البته سر بعض جهالای نصارى كې اسلام عالم بشرى ايكى به بولمشر ، ظهور اسلام ايله بونجه قانلر دوكلشدر يولنده تعريضانى قاله المغه تنزل بيله ايتزسكز . من لدن آدم الى يومنا هذا بشریتك نه قدر نه قدر انقسامه اوغرا ديفنى و ظهور اسلامدن اول ومؤخر نيجه اسباب و دواعيدن ناشى بين الافوام احاطه مى ناقابل وقائع خوزيزانه ظهوره كلديكى تاريخ سويليور . اوروا يرندن اوينادى دينه بك درجه ده چلييا اردولرينك آقین آقین ملك اسلامه حورمارينى برطرفه براقلم ، عين عصرده هلال بلا شرط وقيد استانبوله ، صليبده عهد و پيمانلر ايله اندلسه كيرمش ايكن اولككنده ملبونلرجه خرسولرك حالا بر حيات اوللارى ، ايكنجي سنده تك بر محمد على بيله براقلامسى مسئله مهمه تاريخيه سنى ده ذكر ايتيم . قاتولكلر ايله پروتستانلر ارسنده نهرلكي خروشان اولان قانلرى كيم دوكدى ؟ فرانسا انقلاب كيرنده اراقه اولنان قانلر نه دن نشأت ايتمش ايدى ؟ فرانسلر ايله انكليزلر ارسنده كى اوتوز سنه محاربه لرى اسلام يوزندنمى ظهوره كلدى ؟ ده عرصه مرزده وقوعه كلن فرانسا و المانيا محاربه سنده اسلامك مدخلى وارمى ايدى ؟ انسانك مايه مى سفك دماء ايله مخردر . هانكى جهت مقصدينه خادم ايسه اتى وسيله ايدرك قان دوكر . رجال دولك مقاصد مختلفه مى اوغرنده نيجه جانلر فدا اولشمدر و اولمقده در . انسان نه ظلوم و جهول بر مخلوقدر كه بر لحظه لك عمر ايجون دغدغه جهاني يوكله نور و حقيقت حالدن بحث اولنسه قائلنك ساده دل اولديفته حكم ايدر .

شمعى كالم قلوب اسلاميانك طرف مسيحه توجهنه ، حضرت عيسى عليه السلام اعتقاد مرزده اولى العزم پيغمبران عظامدندر . جامعارده متوجه بولنديغمز محراب عبوديتك فوقنده حضرت مريمك منقبه سنه دائر « كما دخل عليها ذكرى بالمحراب وجد عندها رزقا » نظم جليلى منقوشدر . قرآن كريمك دهها بر جوق سور و آياتنده مريم العذرايك مناقبى ، عصمت و طهارتى ، نساء عالين اوزرينه اصطفا سايه روح اللهك طفل ايكن بشيكده تكلم ايتمى ، انادن طوغمه كورلره و ابرصاره باذن الله شفا ساز اولمى ، باذن الله احيائى اموات ايلمى كې نيجه معجزات باهره نبوتى مذكور اولديغندن كوچو كندن بيوكنه وارنجيهك بتون اهل اسلامك كوكلارى مشار اليهمايه محبت و تعظيم ايله طوليدر . بتون مسلمانلرجه

مریم علیها السلام بر عذراء طاهره مبارکه و حضرت مسیح صلات الله علی نبینا وعلیه دخی
او عذراء مبارکه دن تولد ایتش بر آیت الهیه در .

روح اللهك السنه شعرا مرده دخی ذکر ویادی پك مانوسدر ، معجزات مسیحی دمیدم
یاد ایدرك كونا كون تصور و خیال لرینی تزین ایدرلر، الوان بیسان ایله سوزلرینه رونق
و حلالت و برلر :

روح بخش اولدی مسیحا صفت انقاس بهار اچدیله دیده لرین خواب عدمدن ازهار
باقی

نی احیا قیلوب فیض دم جان بخش اطفا کاه نمایان ایدلك آثار انقاس مسیحایی
ندیم

آفرین ای نی کلك هنر عیسی دم ایدلك نفحه اعجاز ایله احیای عدم
عا کف پاشا

خسته ناطقه یه روح فزادر خامه م ذات عیسی کبی اعجاز نمادر خامه م
رشید پاشا

ایمندی محبت هانکی جهنده ، بغض و عداوت نه طرفده ؟ محمدیار حضرت عیسی
علیه السلامه فصل محبت و حرمت ایدیورلر و نفحه جبریل امین ایله بی پدر دنیایه کلدیکنی
تصدیق ایدوب حضرت مریم دخی بووجه ایله عصمت و طهارتنه شهادت ایلورلرسه
عیسویارده حضرت محمد علیه السلامه حرمت و محبت ایتسه لر بحث ایتدیکنیز اتحاد و ائتلافك
حصولنه هیچ برمانع قالماز ایدی .

کوشرد عرفانی اولان بو افاده مدن طولانی مخاطب فاضل بیان محظوظیت ایلدی . بونك
اوزرینه صدد بحثی دکشدیردك ، بشقه وادیارده کزندك .

برکت زاده اسماعیل حق

